

《中國地方藝文薈萃》編委會 編

中國地方藝文薈萃

學苑出版社

華東卷·第九輯 伍

華東卷·第九輯  
伍

中國地方藝文薈萃

《中國地方藝文薈萃》編委會 編

貴州师范学院内部使用



梅里詩輯二十八卷續梅里詩  
輯十二卷補遺一卷（二）

貴州师范学院内部使用

梅里詩輯二十八卷續梅里詩輯十二卷補遺一卷（二）

（清）許燦（清）沈愛蓮編

據清道光三十年（一八五〇）嘉興縣齋刻本影印

梅里詩輯卷第五

里人許燦衡紫緇

屠 曠

曠字闇伯號助齋縣學生自郡城徙梅里有大經堂

集

詩話處士文章行誼推重儒林洵士品之顯厨人倫之模楷也鼎革後絕意進取張考夫先生題其所居詩云霍原六聘山焦先三詔洞漁子定迷津遮莫桃花種高致可想詩最蒼雅始年十三有春風吹落花之句說者以為不減池塘生春草也

積雪登城東浮圖同潘子琰褚硯耘

晨起做幽緒呼酒命朋儔寒色在林莽千枝何相糝石徑齒危屐尋跡乘高颺級轉每開望躡頂意未休循欄騁所慕遠景朗然收萬家結成隅川畎明雙眸廢寺存丹堊鵲立隱朱

樓中有焚死餘短址頽荒邨層冰覆瓦礫恍忽精爽留此外  
漸虛白天際疑塵浮閭闔俯欲臨仰睇凝雲愁清輝肖所象  
流覽羣變投始覺靜可娛冷然泛虛舟嚴冬會凜冽明潔奚  
愆尤

江郎山

名山閟靈跡勝境藏仙宮聞昔有江氏化石開洪濛遠眺似  
雙峙經過覩三峯翠微縈烟靄峭壁絕攀從上有神人居瑤  
池涵虛空蓮飄散光綺鯉躍驚游龍奇異變俄頃想像緣此  
通安得騎青鸞飛度縹渺中蓬萊在人境何必滄溟東

述懷

空齋任鳴嘯獨坐氣崢嶸卷舒一時意古道酬微情魯連旣  
輕世豈在貧賤名獄中上書子違吳以梁成東漢田子春節

義爲士英功遂身不緇久與山石盟嗚呼嵇叔夜臨刑愧孫  
登

酬李明遠

履賤整初尙託族慙綢繆矧此艱難會洪波無安流登陟豈  
不娛枳棘蔽山邱無終志巖駕道阻靡輕輶君才如清風蕭  
蕭厲高秋九辨啟靈均平子齊四愁眇眇愴胸臆哀歌感匹  
儔權之亮終始勛我權古謀老半智早摧餘力謝奇揆滋蘭  
幸同晦珍佩良可收

遙題萬年少隰西草堂

商風振頽木鴻鵠矯青岑聞有淮陽老離居獨拊心美人日  
以遠榛苓思不禁浮雲自奄忽陽景自侵尋豈不賤苟安壯  
往非所任有客從外來爲我張素琴一唱唐堯曲再咏微子

吟名材無細響慷慨感同音願託凌虛翼從君松竹林

古意

素絲非一絲機中織成帛卷舒生容光從郎自搖襞慎勿染  
爲縑終身不見白

李貞女詩

昔有北宮女率民出孝情徹瑱老不嫁威后發高名茫茫數  
千載此義何沈冥奇蹤久乃嗣李氏聞女貞芳蘭秀幽谷含  
榮當及辰哀哉女何恃眷此白髮人笄珈非吾願扶將意所  
親溫清慈旨甘結誓四十春族里咸歎息誠感動名卿請讀  
太史傳足媿人子心

雜詩

采綠易爲碧采藍易爲青青碧忽以異烈士感平生服之非

茲

吾素棄去惜無成多愛使心違薄終義所懲眷之同門友形  
遠心相傾飄風不終朝返駕息巖扃飲我沆瀣漿吹我壺盧  
笙結志比金玉揮手謝浮名

自富陽至桐廬

江行逾百里山勢駭層矚巉巖聳霄漢青翠沓紛縟密林藹  
微陽老農隱深隩徒旅攀懸崖俯睨山果熟潛鱗躍平溪短  
草走新犢壑遠漾洪流岫逼乍迴洑石瀨亘中坻指顧成紆  
曲萬象森吾前舟移景不復整襟希青風揮箠避炎旭俯仰  
弄潺湲所寄良已足

過嚴先生祠

矯矯千仞姿飄颻乘長風鴻鵠比翼飛孤鳳摩蒼穹君房云  
素癡鄧馮實時雄德輝旣已耀冥冥羣羽空亮媿遊丹穴疇

清

以時運同

江水日夜流揚舠漸迴遠丹扉阻層巒高墳隱深阪灌木縈  
行雲凝睇何繾綣抗手發長謠髣髴見遺範策吾鹽車足豈  
嗟年歲晚

留須江

坐息城東隅徘徊望舊鄉浮雲千里馳奄忽周四荒亮無乘  
風翼安得同翱翔清歌激流徵憚此夏日長我行芍藥敷今  
來菡萏榮石榴何灼爍園葵耀丹英草木美良候游子誰爲  
情朝榮匪足懽聊以適吾生

行仙霞嶺

峽口夕棲遲載起陟竿嶺南指轉遙峻綠嶂如列屏數里正  
零濼登躋乍炎景歸雲澄青巒瀉泉奔日影微風散毛髮芒

屨進彌遲盤折暫徙倚仰睇愁層迴屢息蔭短樾扶將徒旅  
竝中道覩神宇瞻禮挹杯茗憑閣俯千尋重岡勢飛隕林根  
宿輕霞巖半翔逸隼但見石嵯峩不見徂修矜日旰攜筇行  
危磴復相引緩步忘願息久之凌絕頂凝視山中阿廟貌亦  
杳冥天險限南服誰能驅方軫啟辟成坦途浩歎一朝盡

南臺江口夜別許介壽

尊酒輕離緒執手南江湄燈火紛友朋佇立何遲遲登舟未  
理楫舟漾步回疑江水去江岸咫尺成路歧何況道里長思  
我懽笑時高城隱雲霧遊子寒風吹僚慄在遠行鬱紆何終  
期流潮夜淡淡明星漸輝輝潮往有來信星轉還相依

白沙晚眺

平沙延數里俯瀉流波綠羣山尙逶迤飛雲送遙矚甫離攜

手好俯仰動心曲不念初面歡祇怨良會促人生非金石哀  
樂紛結束中年賴陶寫況乃勞水宿黃塵落孤鳶寒氣凋榮  
木逝將蕩情慮翳然翫濠濮

早發定陽

丹霞皎晨光明月猶在漢夙駕飭騰屨出郭陵脩矸嚴霜摧  
榛莽始冰靜流濫頽舍鳥雀喧荒叻豺狸散烈風何飄颻微  
暄頗耽翫磊磊石欹徑礫礫沙驚岸迴互觀陟美阻長行旅  
憚元亮事耦耕盧敖游汗漫偃仰苟無違羸絀非所算徒結  
千里心緬彼凌虛翰

祝天孫過訪

東風日掩塵飛揚垂柳捲波吹池塘有客朗朗照顏色顧予  
渺渺愁微茫蛾眉仙姝掩朱戶疏屬奇鬼窺曲房安得八翼

叫闐闐與君翱翔頡以頡

游仙曲

五嶽爲闕金璘班紫芝朱草參其間高躡海氣游天關扶桑  
若木須臾還

崑崙之山千丈松辟邪文豹交躡蹤揭來丁令攜壺公手擊  
石髓珊瑚紅

洪崖玉貌何亭亭璀璨鶴髦披朱肩時吹緜山雙鳳笙赤螭  
服駕驂虬青

仙者何在非雲霞雪光化鼎吹丹砂西南月出清露華沆漑  
飲渴迴牛車

題許善長匏庵

越山吳山列几下古人今人不盈把讀書臺上沈行雲駐蹕

峯前馳戰馬塵世誰知出處心  
花落錦茵墜飄瓦已知才大  
難爲用五石浮尊棄荒野木  
落天寒繫我思賁湖帶水杯中  
瀉

蜃舫歌爲大參陳階六先生賦

我聞三神山金闕班璘映使者  
且至風引開秦皇甘心漢皇  
競之罕候射大鮫魚荒唐祇留封禪書  
何如蜃舫開東閣乘  
雲御飛凌太虛螭鼓柁鼈負舶超越鼉鼉  
梁浩蕩鯤鵬宅百  
靈左右供驅馳北溟天地如咫尺  
主人曠坐心恬愉眞宰獨  
運何所須浮漚聚散等朝夕  
褰裳濡足誠世愚安期把袂洪  
崖揖有時尊酒嘉賓集神情開滌水  
漣漪意氣慷慨濤飛立  
玉軸琅函載幾千龍威大文宛委編  
相逢揮灑雲霞滿唱和  
不數鄴中賢舫前琪樹雜瑤草  
蘭蕙紛披荔支老露泥層苔

生碧波風懸斜葉牽青藻此舫轉動如有神能移渤海桑田  
塵沆漉凝空河漢皎卷舒駭浪澄潛鱗只今閩嶠多窮民火  
烈颶摧征役頻譬涉潢泚茫無垠我公援之離危津四野泳  
游回陽春弱水旣渡蓬萊親得不頌公操楫人

寄贈陸桴亭

聞有乘桴客結廬三徑深偶然書盡意長此信知音蓑笠吾  
曹事烟波此日心無爲怨搖落草木有同岑

夜飲田硯齋

乾坤何黯淡斗酒意蒼茫偶借一枝隱能容十日狂微風通  
鼓角清露聽簷簷誰許求羊侶相攜醉草堂

和金陵余澹心同俞右吉朱子葆山樓待月

雨氣過林空山樓坐晚風與君聞擊柝何地恨飄蓬人事歸

塵外雄心老鏡中金陵回首處秋色滿吳宮

再宿玉靜堂

銀燭影沈沈庭涼入夜深微風響疎竹清露落空陰鼓角嚴  
城合關河旅夢侵鄉思應未極留滯有知音

雨後泊七里潭同越庵先生限韻

疊嶂浮青靄懸崖瀉石淙微風涼度竹遲日靜依松曉動千  
帆影晴開萬壑容還欣潁水上得與太邱逢

登黃山祠望海

凭高南望日初斜近海春陰晝落霞幾處漁樵傳燧火千邨  
耕牧繞吹箛樓船誰屬將軍樹芒履仍尋處士家長夕傷心  
多少事不堪戰骨掩黃沙

武原書感